

**JAMHUURIYADA FEDERAALKA SOOMAALIYA**  
**MAXKAMADDA SARE EE DALKA**  
**QAYBTA MAAMULKA**

**QARAAR**

**Sum: MS/I/2/2022-BG**

**Tr: 20/04/2022**

Maxkamadda Sare ee dalka oo ka kooban:

- |                                  |            |
|----------------------------------|------------|
| 1. Baashe Yuusuf Axmed           | Guddoomiye |
| 2. Saalax Sh. Ibraahim Dhiblaawe | Xubin      |
| 3. Cabdulcasiis Maxamed Yuusuf   | Xubin      |

Oo uu kaalinayo Maxamed Faarax Jimcaale, waxa ay 19/04/2022 u fadhiisatay garmaqalka dacwad maamul ee gal-dacwadeedka summaddiisu tahay MS/I/2/2022-BG una dhexeysa dhinacyada kala ah:

1] Fahad Daahir Axmed, Qareen: Sakariye Ismaaciil Nuur – **CABTE**

**LID**

2] Guddiga Hirgelinta Doorashooyinka Dadban ee Heer Federaal, Qareen: Xafiiska Garyaqaanka Guud ee Dawladda – **LAGA-CABTE**

1. Qareenka Cabtuhu waxa uu 07/04/2022 Maxkamadda u soo gudbiyey arjiga cabashada summaddiisu tahay E-Som.17/2022, ku taariikhaysan 07/04/2022 kaas oo lid ku ah go'aanka Guddiga Hirgelinta Doorashooyinka Heer Federaal ee summaddiisu tahay FIET/2017/2022 ku taariikhaysan 17/02/2022 iyo mid ka aan summadda lahayn ee ku taariikhaysan 06/04/2022.
2. Laga Cabtaha (Guddiga Hirgelinta Doorashooyinka Dadban ee Heer Federaal) oo uu matalayo Xafiiska Garyaqaanka Guud ee Dawladda ayaa 16/04/2022 Maxkamadda Sare u soo gudbiyey arjiga jawaab celinta ee summaddiisu tahay XGG/079/2022 kaas oo uu kaga soo jawaabay arjiga cabashada ee kor ku xusan.
3. Maxkamadda Sare ee dalku waxa ay 19/04/2022 u fadhiistay dhagaysiga garmaqalka gal-dacwadeedka summaddiisu tahay MS/I/2/2022 ee u dhexeeya



*[Handwritten signature]*

doorasho la shaaciyey iyo go'aaminta dib ugu noqosho kursi natiijadiisii hordhaca ahayd la shaaciyey

- V. Guddiga Hirgelinta Doorashooyinka ee Heer Federaal waxaa ka soo baxay warqado badan oo lid isku ah oo shaki dhalin kara, goobtii ay doorashadu ka dhacaysay xubno ayaa u joogay, xubnahaas ayaa natiijadii soo diray mana sheegin khalad la galay, go'aanka guddigana looma raacin habraacii go'aan qaadashada ee sharcigu jideeyey.

#### ASBAABTA QARAARKA

6. Sida uu jideeyey Qodobka 5<sup>aad</sup> faqraddiisa 3( b) ee Xeerka Nidaamka Garsoorka Lr. 3 ee 12 Juun 1962, Maxkamadda Sare waxa ay awood u leedahay ka garsoorida cabashooyinka la xidhiidha go'aannada maamul ee kama-dambaysta ah ee ka soo baxa hay'adaha dawlaha ah. Sidoo kale, sida uu jideeyey Qodobka 50<sup>aad</sup> faqraddiisa 2<sup>aad</sup> ee Sharciga Doorashooyinka Qaranka ee Heer Federaal Lr. 23 ee 20.02.2020 cabashooyinka ku saabsan go'aannada maamul ee ka soo baxay Guddiga Madaxabannaan ee Doorashooyinka Qaranka, waxa looga rafcaan qaadana karaa Maxkamadda Sare ee Dalka.
7. Sharciga Heshiiska Siyaasadeed ee Jihaynta Doorashada Baarlamaanka Federaalka ee 2020/21, Sharci Lr. 30, oo ay labada Aqal ee Baarlamaanka Federaalku fadhi wadajir ah ku ansixiyeen ayaa lagu sharciiyey heshiiska siyaadaseed ee Golaha Wada-tashiga Qaran ku gaadhay Magaaladda Dhuuso Mareeb 17-kii September 2020. Qodobka 1<sup>aad</sup>, faqraddiisa 1<sup>aad</sup> ee Sharci Lr. 30 oo waafaqsan Heshiiska Dhuuso Mareeb ee 17-kii septiember 2020., waxa dib loogu dhigay qabashada Doorashooyinka tooska ah ee Labada Aqal ee Baarlamaanka 11<sup>aad</sup> iyo dhaqangalka Sharciga Doorashooyinka Qaranka ee Heer Federaal Sharci Lr. 23 ee 20.02-2020. Sharci Lr. 30 waxa si ku-meel-gaadh ah loogu hakiyey hirgelinta doorashooyinka tooska ah ee Baarlamaanka, waxa uu meesha ka saaray shaqadii Guddiga Madaxabannaan ee Doorashooyinka Qaranka ee qabashada doorashada Baarlamaanka 11<sup>aad</sup> ee Jamhuuriyada Federaalka Soomaaliya, waxa uu sidoo kale hakiyey awooddii Maxkamadda Sare ee ka-garsooridda cabashooyinka la xidhiidha go'aannada maamul ee doorashooyinka ee ay gaadhaan Guddiyada kala duwan ee hirgelinta doorashooyinka iyo xallinta khilaafaadku.
8. Xeerka Nidaamka Garsoorka Lr. 3 ee 12 Juun 1962 ee Maxkamadda Sare awoodda u siinaya ka garnaqidda cabashooyinka la xidhiidha go'aannada maamul ee ka soo baxa hay'adaha dawladdu waa xeer guud. Qodobka 5<sup>aad</sup> ee Xeerkani waxa uu si guud uga hadlayaa dhammaan go'aannada maamul ee kama-dambaysta



Py



- V. Cabtuhu ma marin dhammaan dariiqyadii heshiiska siyaasadeed iyo habraacyadu jideeyeen ee xallinta khilaafaadka doorashooyinka. Waxa ay ahayd in uu go'aankan uga cawdo Guddiga Xallinta Khilaafaadka iyagoo ugu dambayna u caban karay Golaha Wada-tashiga Qaran.

#### **Doodda Qareenka Cabtaha oo Kooban**

5. Qareenka Cabtuhu waxa uu ku dooday in si waafaqsan Xeerarka dalka ay Maxkamadda Sare ee Dalku awood buuxda u leedahay ka-garnaqidda dacwaddan, is-hortaaga Laga-cabtuhuna aanu sharciga waafaqsanayn sababahan dartood:
- I. Ma jirto meel sharciga looga sheegay in Golaha Wada-tashiga Qaran ay tahay meesha u danbeysa ee loo cabanayo, sidoo kale heshiiskii 17-kii September 2020, Sharciga Jihaynta Doorashooyinka Baarlamaanka Federaalka, Sharci Lr.30, habraacyada guddiyada, Xeer nidaamiyeyasha iyo xeer-hoosaadyada Guddiyada midna kuma jirto in Golaha Wada-tashiga Qaran yahay meesha ugu danbaysa ee loo cabanayo. Ereyga Golaha Wada-tashiga Qaran waxa lagu sheegay Qodobka 5<sup>aad</sup> ee qaybta xilalka iyo waajibaaadka Guddiga Xallinta Khilaafaadka Doorashooyinka ee Habraaca Hirgelinta Heshiiska Siyaasadeed ee Hagaya Doorashada 2020/2021 ee heer Fedaal ee soo baxay 1 October 2020, waxa uuna qodobkani sheegayaa in Goluhu uu gelayo arrimaha u baahan xal siyaasadeed.
  - II. Qodobka 5<sup>aad</sup> ee Xeerka Nidaamka Garsoorka iyo Qodobka 50<sup>aad</sup> faqraddiisa 2<sup>aad</sup> ee Sharciga Doorashooyinka Qaranka ee Heer Federaal Lr. 23 ee 20.02.2020 ayaa waxa ay Maxkamadda Sare awood u siinayaan ka-garnaqidda dhammaan go'aannada maamul ee kama-dambaysta ah ee ka soo baxa hay'adaha dawliga ah.
  - III. Go'aannada ay dib-u-cegista ku sameynayaan madaxdu (Golaha Wada-tashiga Qaran) waa go'aannada ka soo baxa Guddiga Xallinta Khilaafaadka Doorashada ee ma aha kuwa ka soo baxa Guddiga Hirgelinta Doorashooyinka Dadban ee Heer Federaal. Ma jiro go'aan ka soo baxay Guddiga Xallinta Khilaafaadka oo lid ku ah doorashada Muwakilkayga si uu cabasho ugu qaato Madaxda Dowladda Federaalka iyo kuwa maamul Goboleedyada
  - IV. Awooddaha Guddiga Hirgelinta Doorashooyinka Dadban ee Heer Federaal ee lagu xusay sharci Lr.30 iyo habraacyadiisa kama mid aha ka-garnaqidda cabashooyinka doorashada la xidhiidha laalida ama diidmada natiijo



Handwritten signature or initials in blue ink.

dhinacyada kor ku qoran. Garmaqalka Maxkamadda waxa ka soo qaygalay Garyaqaan Sakariye Ismaaciil Nuur oo Qareen u ah Cabte Fahad Daahir Axmed iyo Garyaqaannada kala ah: Axmed Faarax Axmed, Muuse Axmed Ciise iyo Xuseen Xasan Cabdullaahi oo ka socda Xafiiska Garyaqaanka Guud ee Dawladda oo metalaya Laga- Cabtaha ( Guddiga Hirgelinta Doorashooyinka Dadban ee Heer Federaal).

#### **Doodda Is-hortaagga Xafiiska Garyaqaanka Guud ee Dawladda**

4. Garyaqaannada Xafiiska Garyaqaanka Guud oo metalaya Guddiga Hirgelinta Doorashooyinka Dadban ee Heer Federaal waxa ay sameeyeen is-hortaag la xidhiidha awoodda Maxkamadda Sare ee dhagaysiga dacwaddan. Waxa ay ku doodeen in dacwaddani ka baxsan tahay ikhtisaaska Maxkamadda Sare ee Dalka asbaabahan dartood:
  - I. Doorashooyinka Baarlamaanka Federaalka Jamhuuriyada Federaalka Soomaaliya (Golaha Shacabka iyo Aqalka Sare) ma aha doorasho toos ah oo lagu dhaqayo sharciga doorashooyinka ee dhaqangalka ah. Taas bedellkeeda waa doorasho lagu maamulayo heshiis siyaasadeed oo ka baxsan xaydaabka hay'daha dastuuriga ah.
  - II. Guddiga doorashooyinka waxa lagu hagayey heshiis siyaasadeed oo ay galeen Golaha Wada-tashiga Qaran, kaas oo ah mabaad'i guud oo ku saleysan in guddiyadu ay ku jiheeyaan doorashada si xasiloon loogu qabto.
  - III. Sharciga Heshiiska Siyaasadeed ee Jihaynta Doorashada Baarlamaanka Federaalka ee 2020/21, Sharci Lr. 30 waxa dib loogu dhigay doorashooyinka tooska ah ee Baarlamaanka iyo dhaqangalka Sharciga Doorashooyinka Qaranka ee Heer Federaal Lr. 23 ee 20.02.2020 kaas oo meesha ka saaray awoodihii hay'adaha dastuuriga ah ee u xil saarnaa qabashada iyo ka-garsoorida dacwadaha doorashooyinka la xidhiidha.
  - IV. Habraaca Hirgelinta Heshiiska siyaasadeed ee Hagaya Doorashada 2002/2021 ee heer Federaal waxuu awoodda xallinta khilaafaadka siiyey Guddiga Xallinta Khilaafaadka ee doorashada dadban iyo Golaha Wada-tashiga Qaran oo go'aanka ugu dambeeya leh. Sida habraacu jideynayo go'aanka Goluhu waa kama-dambays, meel kalena loogama caban karo. Dhammaan go'aannadda ay gaadhaan Guddiyada heer Federaal iyo heer dawlad goboleed waxa looga caban karaa Guddiga Xallinta Khilaafaadka doorashooyinka.



Handwritten signature or initials.